

ACADEMIA PRO INTERLINGUA

Præsidente: G. PEANO, Prof. in Univ. de Torino. Cavoretto-Torino

Directore et Thesaurario: Ing. G. CANESI, Via Costigliole, 1, Torino 5

Vice Thesaurario: W. de JEZISKI, Prof. Lyceo de Lida (Polonia)

» V. L. LOWE, c/o Bureau of Standards, Washington D. C.

» TUMA Dr., Charvatce Mseno u Budyne n. o (Cecoslovakia)

» CORIO S., Pemberton Row, London E. C. 4.

STATUTO DE ACADEMIA

Fautores de lingua internationale, in congressu de München, 1887, funda « Academia pro Interlingua ». Primo præsidente es Schleyer que in 1879 publica Volapük. Congressu de Paris, 1889, approba Statuto. Sub directore Rosenberger in Petroburgo, et Holmes in New York, 1893-1908, Academia applica principio de internationalitate maximo ad vocabulario, et resulta lingua que omne homine culto intellige sine studio, aut quasi. Plure alio auctore perveni ad idem resultat.

Academia in 23-XII-1908 nomina prof. Peano suo socio et directore. Et in 1 maio 1909 approba: « Omne Academicus, in periodico de Academia, pote adopta forma de lingua internationale, que illo præfer ». Problema de interlingua es scientifico, et libertate produce concordia.

In illo tempore, Academicos nomina socios novo per votatione. In 15-IX-1910, Academicos, per voto unanime, decide: « Qui mitte ad thesaurario fr. 10 per anno, es socio de Academia ». Et approba Statuto sequente, que remane usque hodie.

STATUTO

§ 1. - Academia cura progressu de Interlingua, in theoria et in practica.

§ 2. - Omne homo, que solve fr. 10 aut plus per anno, es socio de Academia.

§ 3. - Novo socio habe jure de voto, tres mense post inscriptione.

§ 4. - Omne socio de Academia, post 25 anno de associatione, es proclamato socio emerito, et non es obligato ad contributione pecuniario.

§ 5. - Contributione de socio debe es misso, in generale, ante

15 januarii. Socio que post 65 die non mitte ad thesaurario contributione annuo, aut non justifica se, es dimissionario.

Dimissione de socio es accepto, sine discussione.

§ 6. — Directione de Academia consta de præsidente, direttore, tres vicedirectore.

§ 7. — Directione administra Academia.

§ 8. — Socios nomina membros de directione, per duo anno, et pote confirma illos uno solo vice in idem officio.

§ 9. — Majoritate absoluto de votantes resolve.

§ 10. — Præsidente repræsenta societate. Illo debe pone in votatione omni propositione, que sex socio subscribe.

§ 11. — Socios nomina 15 membro de consilio directivo.

§ 12. — Consilio directivo judica divergentias inter directione et socios.

§ 13. — Præsidente mitte scheda de votatione ad omne socio, que vota per membros de directione, et de consilio directivo, et retro-mitte scheda clauso. Post 30 die, Præsidente, præsente omne socio que vol interveni, aperi schedas, et proclama resultatu de votatione.

§ 14. — Membros de consilio directivo mane in functione duo anno, et pote es reelecto.

§ 15. — Consilio directivo pote nomina, per cooptatione, plure novo membro, sine limite de numero.

§ 16. — Majoritate de 3/4 de votantes pote modifica Statuto.

In 2-IV-1915, Academia suspende § 8 super electiones, per causa de bello Europæo.

In 1921, ApI reprehende suo labore, et numero de socios cresce in modo continuo.

REGULAS PRO INTERLINGUA

Academia, post longo discussione, in 1910-12, consilia regulas sequente:

1. Interlingua adopta omne vocabulo commune ad A. D. F. H. I. P. R. (4). Et omne vocabulo anglo-latino.
2. Omne vocabulo, que existe in latino, habe forma de thema latino.
3. Suffixo -s indica plurale.

Socio, que non seque regulas præcedente, es **precato** de expone regulas de suo lingua.

(4) A. = anglo, D. = deutsch, germanico moderno, F. = français, H. = hispano, I. = italiano, P. = portuguez, R. russo, L. = latino, G. = græco, IL. = Interlingua.

PARCO NATIONALE ITALIANO

Vocato "IL GRAN PARADISO"

« Commissione Reale » de Parco nazionale in anno 1925 publica amplo monographia elegante et utile pro describe et illustra, cum numero et nitido photo-incisiones, mirabile Parco.

Expositione de argumentos, cum criterio opportuno, es commissio ad vario et speciale studiosos:

Advocato Anselmi expone origine de Parco.

Professore Mattiolo indica: Flora de Parco et suggere modo opportuno ut defende et redde utile flora officinale et aromatico.

Doctore Festa tracta de Fauna.

Professore Sacco in tres capitulo publica Orographia - Geologia et Mineralogia - Glaciologia.

Prof. Giacosa narra historia et legendas.

Adv. Cibrario publica relatione circa alpinismo et opera de Club Alpino Italiano in zona de Parco.

Et in ultimo capitulo, ing. Beyer, Inspector forestale et Administratore de Parco, describe vias, calles, domos que existe in Parco et medios pro custodia.

Argumentos exposito in superindicato relationes integra se in modo reciproco cum notitias historico-statistico-geographico. Ab consultatione de monographia, studioso retrahe conceptione claro de mirabile vasto et ultra interessante Parco; forsan es Institutione unico in Universo ob suo situatione altimetrico.

Me expone breve notitias extracto ab monographia.

Vasto zona alpestre vocato: *Il Gran Paradiso* es parte de Alpes *Graie* in Provincia de Torino.

Usque ad anno 1919 pertine in privato proprietate ad S. M. Rege de Italia Vittorio Emanuele III; per munifico regale donatione, possessore actuale es « Demanio dello Stato ».

Guberno italiano institue cum decreto 3 decembre 1922 « Il Parco Nazionale del Gran Paradiso » ut conserva nobile et raro exemplares de Flora et de Fauna alpino et impedi disparitione de pulcro et appetiatio specie de « Capra ibex », que plus non vive in alio zonas de Europa. Studiosos, alpinistas ed artistas plaude providentiale deliberatione.

Extensio de Parco nationale es de circa 450 kilometro quadro = 450 000 000 metro quadro; ab altitudine de circa 600 metro super superficie de mare, se eleva ad 4061 metro, culmine de *Gran Paradiso*; in maximo parte es superiore ad 3000 metro. Ab exuberante silvas perveni ad pasculos et ad æterno glaciarios; inde offer medio opportuno ad studiosos pro investigatione de leges, circa vita de vegetale in vario conditione de clima et de superficie, circa origines, mutationes, compositiones anatomico et historico de specie alpino et circa vario et difficile problemas relativo ad rationale vegetazione de arbores alpino et de flora officinale et aromatico.

Parco nationale occupa partes superiore de Valle Soana et Valle de Orco et portione de Valle de Rhêmes et Champorcher.

Visitatores accede ad ingressu per duo importante vias, apto ad transitu de vectura et automobile; uno que se evolve in Valle de Orco et Soana, et alio in Valle de Valsavaranche, que habe origine ab Villeneuve, pago de celebre Valle de Aosta.

In Parco cresce omne specie de animales characteristico de zona alpino et glaciario, per exemplo « *Mustela erminea* », « *Martes foina* » Vulpe, « *Meles taxus* » Lutra, Marmota, Lepore. etc.

Digno de speciale mentione es agile Rupicapra, I. *camoscio*, F. A. *chamois*, H. *gamura*, D. *Gemse*. Vive etiam robusto « *Capra ibex* », D. *Steinbock*, I. *stambecco*.

In Parco nos admira etiam plure exemplare de vegetales que plus non appare in alio zonas de Universo.

In Parco es 23 domo pro custodes et pro refugio.

Illustre prof. Sacco, membro de Commissione, institue in Parco Observatorio meteorologico cum annexo laboratorio pro experimentos scientifico.

Municipio de Torino, ut diffunde cognitione de mirabilia de Parco, jam promitte conveniente sede in urbe de Torino pro Museo de Parco.

Commissione diffunde in aqua de rivos plure mille parvo pisces de truta de flumine. Existe in aspero montes plure splendido exemplare de Capreolo.

Panorama de regione *Gran Paradiso* es mirabile, imponente, vario in modo continuo: prædomina arbores conifero; albo leontopodio, D. *Edelweiss* vege in localitate rupestre et rhododendro, cum flores rubro pallido, macula superficie de silvas. Nos admira, hic aquas

que genera parvo lacus, aut defluentes in rivulos, aut spumantes in rupes aut formantes cataractas cum forte strepitu; in alio loco glaciarios cum leve declivitate in parte superiore et repente fracto super præcipitio; post sequela de valles cum vario undulationes et fracturas intersecato ab rivos que in valle origina torrente.

Commissione reale, Club Alpino italiano, et alpinistas intelligente cum cura speciale tutela mirabile regione que include copioso, incomparabile thesauros de magnificentia et de omni scientia; in isto zona nos habe exemplares de speciale fauna alpino que in breve tempore evanesce sine necessario protectione.

Vias apto ad transitu cum mulo — incluso in zona de Gran Paradiso — es longo km. 292; vias cum geniale studio et dispositione, perveni ad m. 3000 de altitudine; in periodo de immane guerra, manutentione de vias et calles es neglecto. Administratione de Parco nunc provide ad restauratione pro redde accessibile in modo non difficile ad viatores, localitates importante et visibile splendido et vario panoramas; administratione stude etiam actuacione de novo calles pro inter-communicatione de valles de Gran Paradiso usque ad 2000 m. et constitutione de mirabile via belvedere cum limitato inclinatione; inde in proximo tempore es possibile peregrinatione de Parco non solum ad alpinistas, sed etiam ad turista non habituato ad gravè fatigatione de alpinismo.

Cum generoso auxilio de Auctoritates, cum sapiente cura de Commissione, cum opportuno disciplina de collectores de herbas aromatico et officinale, de alpinistas et de visitatores, Parco de « Gran Paradiso » i eveni vero paradiso pro studiosos, pro alpinistas, pro omne que gaude in contemplatione de sublime mirabilia naturale, superiore in majestate et in elegantia ad omne creatione humano.

G. CANESI.

— 272,2° in laboratorio

Physico nederlandense, Kammerling Onnes, in suo laboratorio in Amsterdam obtine temperatura —272,2°.

Isto facto es recordabile, nam temperatura obtento ab illustre physico es proximo ad temperatura de « zero absoluto », id es ad —273°.

Lida (Polonia).

W. JEZERSKI

LUTHER BURBANK - Generatore de plantas

Scriptore anglo, Swift, dic « Qui fac cresce duo spica de grano ubi ante cresce uno solo; merita melius ab genere humano quam omne politico ».

Tale genio es Burbank, horticultore americano, mortuo aprile 12, 1926. Filio de agricultore in Massachusetts illo habe monstrato praecece amore pro plantas et grande ingenio mechanico.

Ab fabrica illo reveni per causa de malo salute ad agros, ubi suo genio inventivo subito trahe illo ad experimentos tam fertile pro augmenta productivitate et pro perfectiona generes de plantas ut confuta idea de plure, quod terra non pote produc cibo sufficiente pro populatione multo plus grande quam jam existe.

In suo horto de 8,8 hectara habe factu plus quam 100 000 experimento cum circa 6000 specie de plantas et innumerabile varietate.

Ad principios fundamentale jam noto ad generationes de horticultores, i. e. solutione accurato ab massa de plantas de omne individuo que habe qualitates in modo speciale desiderabile, conservatione de semine de illo et selectione inter progenie per generationes successivo, cum trans-fertilizatione pro accentua caractere desiderato, Burbank adjunge methodos suo.

Illo es in peculiare modo apto ad isto labore per visione trans-acuto et sensus de odore et de gustu multo subtile. Artistas que fac proba de suo oculos assere quod illo e pote distingue gradationes de colores que non pote percipe oculo ordinario. Ita, p. e. illo pote fac revista in medio hora de 10 000 arbore novello et indica forsan solo 50 que merita es conservato per que illos augura cum germine, stilo vel folio, typo de fructu que illo tenta ad evolve. Probas factu per cultivatione de nejectos habe semper attestato magico accuratione de suo selectione.

Aliquos de suo creatione es prunos enorme, prolifico, cum grande augmento de saccharo et que fi maturo in medio aestate. Etiam prunos sine nucleo; hybrido inter pruno et « malum armenium »; plure bacca novo, inter alios « bacca de sole » productu de combinatione de duo solano inedibile; juglans que fi fecundo et de gigantesco mensura in pauco annos et produc excellente ligno. Castaneas que fer messe de nuce grande, dum es mero arbusculos. Isto arbores pare immune ab peste fungoso que destrue castaneas

nativo vicino ad New York. Rhabarbaro hiemale que etiam fer per toto anno, evoluto ab planta de New Zealand que habe stilo grande solo tam haemitate.

Per evolve hybridos sine spinas ab cacto de genere opuntia que cresce in regiones calido et arido, Burbank redde possibile quod ce regiones produc quantitate de cibo pro homines et bestias. Uno planta solo produc fructu delicioso per toto familia. Meliore varietate in bono terra fer plus quam 2536 quintale per hectara. Folios es eccellente cibo per pecu.

Experimentos de Burbank habe dato plus grande corpore de evidentia ad veritate de doctrina de evolutione per selectione naturale que nos pote inveni in omne loco.

Illo demonstra per experimentos suo, veritate generale de theoria de Mendel super hereditate, antequam illo vel altero jam sci nomine de Mendel.

Illo habe demonstrato quod natura responde tam generoso ad studio patiente et intelligente, quod si homines vol ute possibilitates que natura offer, non es necessario quod ullo homine affama.

London, aprile 1926.

JANET GROVE.

CURIOSITATES SCIENTIFICO

Umbra magico

Ingeniario Russo, D.re Sworkin, qui post revolutione bolchevico emigra in Unito Statos Americano et nunc es occupato in laboratorio de Westing House Company in New York, construe mirabile apparatu quem nomina: « the magic shadow » id es « umbra magico ».

Isto apparatu habe dimensione de capsula ligneo pro cigaros et es proviso per tubo metallico cum parvo apertura. Si nos conjunge apparatu p. ex. cum dynamo-machina et illumina apertura in tubo, tunc dynamo-machina incipe motu; in momento in que nos *adumbra* isto apertura (p. ex. tege illo per palma) machina interrompe suo motu.

« Umbra magico » pote es applicato in plure modo. Si nos affige illo ad parte externo de portas de garages, illo substitue portuario; suffice ut chauffeur per reflectore illumina tubo de mirabile apparatu: dynamo-machina fi posito in motu et aperi porta.

Usque hodie inventore non explica constructione de suo apparatu ad publico.

Lida (Polonia)
Casella postale 18

Prof. WIESLAW DE JEZERSKI
Vice thesaurario de ApI
Membro de Unione pan-europaeo

TRILOGIA DE ADVENTU INTERLINGUISTICO

Quaestione de interlingua permanset insoluto usque ad inventu de interlingua unico. Systemas interlinguistico concurrente et inter se hostile retarda et remove solutione. Publico non fac credito ad motu interlinguistico discorde et chaotico.

Sed tamen nullo homine et nullo congressu pote resolve quaestione de primatu et prioritare de uno systema super alios. Solutione debe inspira se ad criterios sequente:

1) Interlingua que aspira ad primatu debe crea pro suo triumpho suos opera magno litterario aut scientifico.

Ut graeco lingua habe Homero, et latino Cicerone, et hebraico Biblia, et italico Dante, et sic ergo interlingua.

Nullo homine lege et loque interlingua que nihil crea, aut crea steriles et discordante et non interdependente conatu de fundatione.

Homines lege opera que interes et commove et exalta et doce. Et tunc disce lingua que loque ad corde suo, ad animo suo, ad mente suo; et lingua ita procede ad suo universitate.

Tamen, magis difficile es inveni homine qui pote crea isto opera magno!

2) Interlingua que aspira ad primatu et universale adoptione debe incarna se in uno idea universale, aut politico, aut religioso, aut philosophico, aut sociale, aut humanitario de interesse generale, et debe proclama et propaga idea.

Neutralitate inter inimicitias et contentiones nationale es inimico de adventu de interlingua.

Interlingua es ianua et ostio de universale fraternitate inter homines et nationes.

Interlingua que habe nullo idea es corpore sine animo.

3) Interlingua que aspira ad triumpho debe es, non in potentia, sed etiam in actu, lingua universale de intercommunicatione inter doctos. Ergo comitatu de doctos et philanthropos interlinguista debe promove subito imminente publicatione de operas scientifico fundamentale de toto scibile, aut originale aut translato ex linguas nationale, in forma de interlingua que puta plus simplice et universale.

Apud pote promove referendum inter socios supra modos de realiza isto scopo vitale.

Conferentia Corio in London

In die 12 de Martio, apud Societate Internationale de Philologia et Scientia, sub praesidentia de D.no E. T. Tripp, doctore in philologia, socio Corio loque super Interlingua.

Reunione incipe cum breve oratione de dr. Tripp, qui ob suo qualitate ut Secretario de Sectione L (Pro studio de Lingua Auxiliare Internationale) de Associatione Britannico pro Progressu Scientifico (*British Association for the Advancement of Science*) et ab suo personale studio et qualitate de suo mente es praesidente ideale.

Ab initio, illo fac elegante elogio de nostro illustre praesidente Peano, quem dic praeclearo magistro et cultore de scientia exacto et auctore de uno libro cognito in Universitates de toto mondo.

Cum referentia ad relatione de suo Associatione, que in anno 1921 elige Comitatu pro stude problema de Lingua Auxiliare, dr. Tripp dic quod membros de illo, ad tempore de suo electione, jam fave lingua auxiliare minus uno que es contra; unde magno difficultate de suo positione quale secretario.

Dr. Tripp comproba homogeneitate de Interlingua, quod fac id superiore ad omne hybrido lingua. Illo crede quod IL es apto instrumento pro scientifico intercommunicatione, sed illo ne sci si id es etiam bono in aequale modo pro labores litterario.

Oratore, socio Corio, incipe per praesenta ad dr. Tripp epistola de nostro Praesidente, in que age gratias ad illo, et in que es dicto, inter alio: « Per discussione, studio theorico et experimento in practica debe in fine emerge, et es digno de nota quod omnes ultimo tentamine converge ad commune forma. Resulta claro quod maximo simplicitate in grammatica, et maximo internationalitate in vocabulario conduce ad solutione de problema ».

Omne vocabulo in isto epistola es internationale et nullo es arbitrario aut deturpato ab regula personale. Omne pote es intellecto, si vos non iam intellige illo per usu de uno vocabulario etymologico de vestro lingua et etiam pote es intellecto in pagos de distante Russia et ubi homo pote habe uno parvo vocabulario de latino ad usu schola.

Oratore qui loque in anglico, inde dic quod primo conditione de progressu in scientia es determinatione et limitatione de campo

de studio; ergo nos debe stude problema de auxiliare solo sicut instrumento de mutuo communicatione inter homines que in alio modo inter se non intellige; et ad oeconomia de tempore et labore; nos debe utiliza quod es iam cognito ad plure, in plure natione et non inventa aprioristico regulas et vocabulos novo.

Interlingua non es, sicut ullo crede, latino fracto (broken Latin), sed es lingua cum vocabulos vivo in majore lingua de nostro Cultura Europæo. Latino non es solum lingua quem ute 200 auctore de classico periodo, sed item illo de scriptores de decem duo seculo posteriore, que repræsenta cogitatione de toto medio ævo et que es patre de scientia moderno, usque ad Bacon, Newton, Euleró, Grotius etc.

Post rapido expositione de vario schema de lingua synthetico, diviso, pro facilitate de studio, in systemas « a priori » et systemas « a posteriori », et cum speciale indicatione de labores de Leibniz (1679), de Faguet (1765), de Schleyer (1880), de Lott (1890), de Liptay (1890), de Akademi Internasional de lingu universal (1902), que indica successivo progressu in Auxiliare, oratore indica quale es suo conditione necessario secundum plure auctores et Academias, et adde uno: Futuro lingua debe es composito in suo totalitate ex vocabulos que homo pote inveni in vocabulario, hoc es omne vocabulo, verbos incluso, debe habe solo uno forma.

Postea oratore fac historia de Academia, unico societate que da ingressu libero ad fautores de omne forma de auxiliare, quia libertate es primo necessitate in scientia.

Postea domina Grove lege, ab largo charta cum scripto lapidario que illa habe præparato (et de que nos da multo gratias) aliquo stropha de *Cantico de Sole*, translato ab italiano de seculo decem et duo, auctore Sancto Francisco. D.na Grove adopta pronuntia de latino antiquo: loque cum voce claro et recipe entusiastico applausu.

Post discussione, gratias es dato ad Dr. Tripp per suo oratione et præsentia. Utile vespere pro Interlingua claude cum tributo que socio Corio fac ad omne fautore de Auxiliare quare illos es digno de æstimatione per valore ethico de suo labore quale pote es forma de Auxiliare que illos adopta. In Apl nos seque alto traditione academico et « odio theologico » sæpe plus aspero inter affines quam contra inimicos non habe asylo in illo.

DE INTERLINGUA MONARIO

Post tres anno de studio super problema de lingua universale, ego perveni in octobre 1925 ad novo typo quem nomina **Monario**, id es *unico lingua ario*. Isto lingua habe commune cum Volapük idea fundamentale de declinatione cum vocales suffixo (sed non in modo arbitrario) et terminatione *-s* pro plurale, et cum Interlingua majoritate de vocabulos cum pauco modificationes orthographico; id collige etiam que es bono in Esperanto, Ido et alio systemas. Ecce suo regulas:

1. Monario adopta omne vocabulos internationale et omne radices ario-semitico et omne alio vocabulo utile ad perfectione expressivo, etsi existente in uno solo lingua.

2. Suo orthographia distingue sonos gutturale *K* et *G* ex palatales *C* et *J* et ute *F* in loco de *PH*.

3. Omne nomine pote termina, pro casu nominativo, in *o* aut in consonante, forma genitivo cum finale *i* et accusativo cum finale *e*: *domo* L domus, *domi* L domi, *dome* L domum. Isto terminationes corresponde ad illos de pronomines L ego, me, mei, I io, me, mi-o et ad finales de lingua arabico.

4. Duplicatione de vocales finale forma *duale* et suffixo *-s* indica plurale de nomine: *okul* oculo, *okloo* duo culo, *homos* plure homine.

5. Adjectivo seque nomine in solo casu, sed suo terminationes pote es eliso quando non es necessario pro euphonia et claritate. Ex omne substantivo homo pote deriva un adjectivo qualificativo mutando finale *o* de nominativo in *al* et *io* in *ic*.

6. Verbo habe finale caracteristico *a* pro præsentate que fia *à* pro præterito, *ava* pro imperfecto, *arà* pro futuro, *aria* pro conditionale, *ar* pro infinitivo, *ant* pro participio activo, *at* pro passivo. Tempores perfecto resulta ex verbalizatione de participio passivo et voces passivo per suffixione de voces de verbo fundamentale *èar* esse.

7. Terminatione de accusativo latino *um* forma adverbio derivato ex adjectivo, *-im* forma superlativo absoluto (L min-*im*) et *am* indica gerundio.

Ego jam habe publicato *Corso di Monario* in lingua italiano et habe misso id ad omne consocios de Academia. Ego i mitte meo *Interlexiko Monario-Italiano-Français-English-Deutsch* ad omnes que scribe ad me et mitte Fr. 5 auros aut 1 Dollaro.

Casella postale 331 - Roma.

ALDO LAVAGNINI.

BIBLIOGRAPHIA

Projecto de Prof. W. de Jezierski (casella postale 18, Lida, Polonia) relativo ad cursu universitario de Linguistica constructivo es publicato ab **Itala Esperanta Revuo** N. XIII - 3 martio 1926, pag. 37, ab **Unione** N. 2, marce-aprile 1926, pag. 8, ab **Heroldo de Esperanto**, 16 aprilo 1926, e ab **Mondo**, aprilo 1926. Gratias.

Internacia lingvo Esperanta. Direktoro Jaro Zelezny, Techonice che Plánice, Chekoslovakio.

Novo lingua **ESPERANTA** es simile, in nomine et forma, ad antiquo **ESPERANTO**. Introductione: « *Anterew!* Ni eldonas ta ci gazetu. La movado esperantida ju bezonas, pro ke ji dur yaro 1924 forte kreskis kay la esperantidon omnalatraw postulas ta ci gazetu certigante nu pri abonenteco ».

Novo lingua non habe litteras cum accentu, indica accusativo per *-u*, plurale per *-n*, etc. Vocabulario es magis internationale.

C. CIAMBERLINI e A. GASPARINI, *Giochetti ed esercizi curiosi di Aritmetica e Geometria*, Albrighi, Milano, 1926. L. 3.

Isto libro, de nostro consocios, contine plure joco interessante. Exemplo $\frac{1}{2} vivo = \frac{1}{2} mortuo$, multiplicato per 2, resulta $vivo = mortuo$. Plure alio problema es relativo ad Geometria.

L. DE BEAUFONT, *Kompleta Gramatiko detalozza di la lingua internaciona IDO*. Ed. Meier-Heucke, 1925.

Isto libro, in 232 pag., explica grammatica de lingua artificiale Ido. Qui desidera uno exemplare, pote scribe ad directione de ApI, aut ad editore nostro socio; pretio 2 fr. helvetico.

Espero Katolika, red. Pastro G. Ramboux, 5, rue Bayard, Paris 8.

Vita Sociale, Via S. Francesco da Paola 23, Torino 11.

Numero de aprile 1926 contine articulo, de socio prof. Piccoli, cum titulo « *Curiositates linguistico* », que expone problema de interlingua ab Descartes, Leibniz, Grimm, Volapük, ad « *Academia pro Interlingua* », et da plure exemplo de vocabulos internationale.

Kosmoglott, editor E. de WAHL, Reval, Estonia, Eha 10.

N. 1, januar 1926, N. 2, martè 1926.

Supplement. Li Hypotese de Wegener pri la translocation de Continentes,

NOVO DONOS AD SOCIOS

SAPIR, *The Problem of an International Auxiliary Language*, Romanic Review 1925.

In ApI 1926 N. 1 pag. 18 nos publica recensione de isto articulo de maximo interesse. Nunc « *International Auxiliary Language Association* », de socia Mrs. Morris mitte ad nos plure exemplare de extracto, pro socios. Gratias.

Sir RABINDRANATH THAKUR, **Nationalism in Occidente**, traduction ex Angles de Toman.

Isto opusculo, de 40 pagina, es dono de socio Pasma; socios que desidera illo, pote scribe ad directione de ApI.

Auctore de libro es celebre politico et philosopho de India, et vide quaestiones de Europa in modo multo interessante et differente ab Europæos.

Lingua in opusculo habe nomine « *Occidental* »; es desiderabile quod opusculos simile contine definitione de lingua, et parvo vocabulario de voces non internationale, pro redde lectura plus facile et claro.

G. MEAZZINI, **Dizionario completo Esperanto-Italiano, e Supplemento al Vocabolario Italiano-Esperanto.**

« Anke per ca libri l'autoro havis l'intenciono duktar Esperanto vers la maxim grand internacionaleso, kompletoso e perfektoso posible segun la postulati dil principi fundamental di omn interlinguo, qui esas adoptat anke in Espo.

« *Obstakuli aparis dum l'imprimado kausat da desfavoroz e on devis ajornar la laboro.*

« *Interdum, havante konstatat ke preske omn vizat perfektosi existis in Ido, il agnoskis ke ta idioma presentis real e bon evolutiono di Espo. Pro to il konsideris tote desutile perdar tempo pekunio e energio por produktar laboro ja bone facat da altri. Konseque il ips adheris a Ido indikante la voyo sequend, quia ja ab initio devis esar sequat da omni por evitar konflikti e skismi nociv sempre a la general ideo di un idioma universal por qua on devus sakrifkar omn personal preferi divergant de la komun idealo.*

« *Gramatikal dezinenci: -o, substantivi; -a, adjektivi; -e, adverbis; -i, pluralo dil substantivi e pronomi; -ar, infinitiv; -as,*

prezento; *-is*, preterito; *-os*, futuro; *-us*, kondicionalo; *-ez*, imperativo; *-ant*, participo present; *-at*, participo preterit; *-end*, gerundio kum ideo di devo. »

Auctore, nostro socio, mitte ad nos plure exemplare de libro, pro transmittit ad socios.

Dr. A. HARTL, *Wörter und Wortformen der Weltsprache*, Separatabdruck aus Katholischen Kirchenzeitung. Salzburg, 20 August 1925.

Articulo de nostro socio expone quod existe magno vocabulario commune ad linguas magis diffuso, et Interlingua debe es composito ex vocabulos internationale. Majoritate de isto vocabulos es latino, sed orthographia es differente. Exemplo: *schola, scuola, escuela, école, school, schule*.

Orthographia plus conveniente ad Interlingua es latino. Variatione in pronuntiatione non impedi mutuo intelligentia. Auctore explica lege pro extrahe thema latino ex indicationes de vocabulario ad usu de schola, et ita supprime flexiones grammaticale. In fine, Auctore expone regulas pro vocabulos internationale non latino.

Scripto de nostro illustre socio explica Interlingua, conforme deliberationes de Academia, in modo multo claro.

Auctore mitte ad nos plure exemplare de articulo, pro socios.

Friedrich Schneeberger, † in 18 martio 1926, pastore in Lüsslingen, Helvetia, es praesidente de congressu esperantista in Genève, anno 1906; et es progressista. In 1908 transi ad Ido, et publica vocabulario et libros pro isto lingua.

Suo biographia, in duplice lingua, Esperanto et Ido, dono de socio Meazzini, es conjuncto ad praesente numero de ApI. Ambo lingua verge ad internationalitate.

Duo pictore.

Duo delectante in pictura confide uno ad altero aspirationes proprio.

« Me vol dealba meo camera et postea depinge me ipso », dice uno.

« In isto casu me ad te consilia: depinge primo et dealba postea ».

Linz (Austria).

Dr. ALOISIO HARTL.

DISCUSSIONE

Directione de ApI, pro auge libertate de socios in omne experimento, dispone quod socio, que mitte uno suo publicatione ad omne alio socio, non debe quota. Et pro majore libertate concede ad socio Weisbart, que mitte suo periodico **Unione** ad omne socio, de inscribe plure socio novo, et cum quota de illos fac publicatione. Ultra socios citato in ApI 1926 pag. 55, illo nunc inscribe socios novo: Auerbach, Borgius, Gass, Gross, Jespersen.

Nunc *Unione* N. 3, que nos transmittit ad socios, cum praesente numero de ApI, contine propositione sequente, cum 12 subscriptore:

1) *Academia non habe lingua officiale, lingua de majoritate. Omne systema habe jure aequale.*

2) *Omne systema es admissio cum jure aequale in periodico de Academia, que reprehende nomine « Discussiones ».*

Isto propositione, sicut proponente affirma, es multo simile ad deliberationes de ApI. Si es identico, votatione es inutile.

In Academia, *socios* habe jure aequale. Propositione novo dice: « omne systema habe jure aequale ».

Academia non pote obliga socios ad scribe in lingua que illos non approba, et discute quando habe nihil ad discute.

Ergo nos preca subscriptores de redde claro interpretatione de Propositione. Et, pro brevitate, plure socio fac sequente;

Contrapositione. — « *Academia confirma deliberatione de 1910: Omne socio habe jure de adopta forma de lingua que illo praefer. Socio que non scribe in Interlingua conforme ad regulas que Academia consilia, es peccato de expone regulas de suo lingua ».*

BAROLO, BERNARDI, BONGIOANNI, BRACCO,
CANESI, CHINAGLIA, FERRERO, MASTRO-
PAOLO, MESTURINI, PEANO, PICCOLI, PIZ-
ZARDO, RE, ROGGERO, ROMANO.

Contrapositione nunc habe majoritate; es probabile quod exprime etiam opinione de subscriptores de Propositione. Quando 6 socio propone novo regulas pro Interlingua, discussione pote incipe.

Socios novo:

- ARTOM D.r Emilio, prof. R. Istituto tecnico,
via Belfiore 22, TORINO 6
- AUERBACH D.r Siegfred, Bockenheimer Anlage, 45,
FRANKFURT a. M. (Germania)
- BOELLA Giuseppe, via Franco Bonelli 12, TORINO 9
- BORGHIUS D.r Walter, Geibelstr. 2, Gr. Lichterfelde bei BERLIN
- BUCKEL Fritz, Pfarrer, Gesees bei BAYREUTH (Germania)
- CALCATERRA Prof. Carlo, via Santarosa 10, TORINO 3
- CASTAUDI Ing. Mario, via Pietro Micca 8, TORINO 8
- CELANO D.r Emilia, prof. R. Scuola complementare COMO
- CHINAGLIA Carlo, direttore miniere Mitza Sermentus,
ROSAS (Cagliari)
- DE PINEDO Francesco, Comand. aviatore, via Paisiello 6, ROMA
- GARELLA cav. Giov., via La Marmora 26, TORINO 18
- GASS Izrael, ul. Trangutta 83, SMORGONIE (Polonia)
- GROSS Jules, Chanoine, ECONE-RIDDES (Suisse)
- JESPERSEN D.r Prof. Otto, Gentofte, KOPENHAVN (Dania)
- LAVAGNINI Aldo, Casella postale 331 ROMA
- MALAN prof. Emilio, R. Ginnasio, CHIVASSO (Torino)
- MONTANINI Neldo, Piazza Umanitaria 1, MILANO
- MORINO D.r Carlo, Vice-Consul de Chine,
via Garibaldi, 53, TORINO 9
- OSTASZEWSKI comite Adam,
palatio via Wolska 24 CRACOVIA (Polonia)
- PANEBIANCO in COMINOTTI D.r Hypathia,
Prof. Liceo scientifico. via De Filippi 4 MILANO
- PERRONE Beppina, CAVOUR (Torino)
- PISCCEL Miss Lilia, Woofferton Grange, TENBY (Wales Angl.)
- RASTELLI cav. Lorenzo, via S. Quintino 21, TORINO 13
- SETTI D.r Maria, corso Vinzaglio 10, TORINO 3
- SUNG Mr. Sik, Chinese Post Office, TIENTSIN (North China)
(Via Siberia)
- TWARDOWSKI D.r Casimiro, prof. Universitet, LWOW (Polonia)

Directore responsabile: Ing. CANESI GAETANO.

STABILIMENTO GRAPHICO FOÀ - Via Nizza, 30, TORINO. Tel. 42.271.

DONO AD SOCIOS

- G. PEANO, **Vocabulario Commune ad linguas de Europa**, 1909.
- G. PEANO, **Interlingua - Historia - Regulas pro Interlingua - De Vocabulario - Orthographia - Lingua sine grammatica**, 1925.
- J. B. PINTH, **Die internationale Hilfsprache Interlingua**, Luxemburg, 1911.
- J. B. PINTH, **Deutsch-Interlingua Wörterbuch**, Linz, 1912.
- J. B. PINTH, **Grammatica de Interlingua**, Luxemburg, 1915.
- J. B. PINTH, **Deutsch-neulateinisches Wörterbuch**, Luxemburg, 1917. Vide ApI 1926 pag. 2.
- U. BASSO, **Manuale practico de Interlingua**, 1913.
- U. BASSO, **Vocabulario Internationale Interlingua-English-Français-Italiano**, Ventimiglia, 1914.
- A. HARTL, **Interlingua. Manuale ad usu de omne natione**, Linz, 1922. *Dono de Auctore.*
- Principios elementario de Radiotelegraphia et de Radiotelephonia**, Washington, 1925. *Versione ex anglo per A. FANTI.*
- GALLEANO, **Pro reforma de Calendario.**
- Graphicus**, Formato de libros.
- MASTROPAOLO, **Interlingua pro relationes internationale.**
- MIGLIAVACCA, **Origine de Urbe Torino.**
- PANEBIANCO, **Adoptione de lingua internationale es signo que evanesce contentione de classe et bello.**
- SANTUCCI, **Applicazione dell'Interlingua all'Unione Postale Universale**, 1922.
- VANGHETTI, **Quæstione de lingua auxiliare internationale in Italia.**
- Plure publicatione de mathematica, et de alio scientia, per socios Banachiewicz, Borio, Canesi, Cassina, Cipolla, Panebianco, Peano, Quarra, Stamm, Viglezio.
- Volapük**, Dictionario Volapük-Italiano, per prof. C. Mattei; HOEPLI, editore, Milano, 1890.
- Dictionario Italiano-Volapük, idem.
- Volapük, a. 1879, es primo systema de Interlingua, que obtine successu, et habe maximo interesse historico.
- Heroldo de Esperanto**, per socio Jung; N. de 10. I. 1925.
- Esperanto, a. 1887, seque Volapük in propaganda.
- DYER, **The problem of an international auxiliary language.** Vide ApI 1923 N. 4.
- PINTH, **Jesu Kristo**, Linguo Internaciona di la Delegitaro, 1908.
- BEAUFONT, **Kompleta Gramatiko di la linguo internaciona Ido.** 1925; ed. socio Meier. Vide ApI 1926.
- Lingua Ido es « Esperanto reformato » in 1908.
- MICHAUX, **Romanal**, langue auxiliare Anglo-Latine, 1922.
- Lingua de nostro socio es composito ex vocabulos Anglio derivato ab Latino.

Seque **Dono ad Socios pro 1926.**

WILF. MOESER, *Interlingua in forma de Semilatin*, Linz, 1921.
Nostro socio adopta vocabulario latino, cum breve grammatica.

MOLENAAR, *Wörterbuch der Universalsprache*, Leipzig, 1909.

Roia, per socio Foster. Plure numero.
Explica lingua « a priori » Ro, super classificatione de ideas.

W. BEATTY, *The new international language*, Washington, 1922.

DREZEN, *Pro lingua universale*. In lingua Russo. Vide ApI 1926 pag. 21.

WEISBART, *Illustrat Abecedarie*. Vide ApI 1925 pag. 90.

Socio, que mitte quota ad thesaurario, pote obtine in dono uno ex publicationes præcedente. Socio, que inscribe socios novo, habe jure ad tot donos.

PUBLICATIONES

Academia pro Interlingua, Discussiones, anno 1909-1910,
N. 1-7 - anno 1911, N. 1-5 - anno 1912, N. 1-7 - anno 1913, N. 1-3.
Circulares anno 1921, N. 1-3 - anno 1922, N. 1.4 - anno 1923,
N. 1-4 - anno 1924, N. 1-6. - anno 1925, N. 1-6.

Collectione completo Fr. 80 in auro.

G. PEANO, **Vocabulario commune ad Latino - Italiano - Français - English - Deutsch**, Editione II, anno 1915, Fr. 8 in auro.
Isto libro contine circa 14000 vocabulo internationale, scripto in orthographia de 5 lingua citato, derivatione et synonymos.

G. CANESI, **Vocabulario Interlingua Italiano-Inglese e Italiano-Interlingua**, con prefazione e questioni di grammatica, di G. Peano, Ed. Paravia, Torino, 1921, L. 10.

Auctore dona isto libro ad omne socio que inscribe tres socio novo.
Isto libro contine vocabulos internationale, sub triplice forma: latino, italiano, anglo; et vocabulos italiano, cum versione in Interlingua. Illo contine etiam expositione amplo super historia de Interlingua, et questiones de grammatica.

G. PEANO, **Formulario mathematico**, a. 1908, pag. 500. - L. 50.

Chartas-postale pro propaganda, edito ab socios:

1. Programma de Academia. — 2. Lingua auxiliare internationale INTERLINGUA.
- 3. Annuntiatione de victoria: 4 novembre 1918. — 4. Codice-cifrarario-internationale.
- 5. Palatio Madama in Torino (cum illustratione et descriptione). — 6. Palatio Carignano (idem). — 7. Basilica de Superga (idem). — 8. Castello de Valentino (idem). — 9. È utile, necessaria, possibile una lingua auxiliaria internazionale? — 10. Identico propositione in 5 lingua internationale. — 11. Monumentale Viaductu de Paderno d'Adda.
- 12. RR. Grotte di Postumia jam Adelsberg. — 13. Sacro Campana de Rovereto. — 14. Monumento a Frant Palacki in Praha. — 15. Volata de intrepido comandante De Pinedo. — 16. Cantico de Sole de S. Francisco de Assisi. — 17. SASCLETEM.

Es proximo publicatione de novo Chartas postale.
10 exemplare vario L. 1 —; 100 L. 8 —; 1000 L. 70.

Dirige ordinationes ad thesaurario Ing. CANESI, via Costigliole, 1, Torino.

ACADEMIA PRO INTERLINGUA

Volapük — München 1887 — Paris 1887-1892 — Petersburg 1893-1898
New York 1898-1908 — Torino 1909 — *Interlingua*

Præsidente: G. PEANO, Prof. in Univ. de Torino. Cavoretto-Torino.

Directore et Thesaurario: Ing. G. CANESI, Via Costigliole, 1, Torino 5.

Vice Thesaurario: W. de JEZERSKI, Prof. Lyceo de Lida (Polonia).

» V. L. LOWE, c/o Bureau of Standards, Washington D. C.

» TUMA Dr., Charvatce Mseno u Budyne n. o (Checoslovakia).

» CORIO S., Pemberton Row, London E. C. 4

Quota de associatione ad Academia: Fr. 10 per anno.



INDICE

<i>Statuto de Academia</i>	pag. 57
Canesi, <i>Parco Nazionale Italiano vocato "Il Gran Paradiso"</i>	» 59
Jezerski, — 272. ^o in laboratorio	» 61
Janet Grove, <i>Luther Burbank - Generatore de plantas</i>	» 62
Jezerski, <i>Curiositates scientifico</i>	» 63
Toscano, <i>Trilogia de adventu interlinguistico</i>	» 64
<i>Conferentia Corio in London</i>	» 65
Lavagnini, <i>De Interlingua Monario</i>	» 67
<i>Bibliographia</i>	» 68
<i>Novo donos ad Socios</i>	» 69
Harti, <i>Duo pictore</i>	» 70
<i>Discussione</i>	» 71
<i>Socios novo</i>	» 72

ACADEMIA PRO INTERLINGUA
CAVORETTO - TORINO

ACADEMIA PRO INTERLINGUA

ACADEMIA PRO INTERLINGUA habet originem in congressu de München, anno 1887. Primo presidente es Schleyer, que in 1879 publica Volapük. Volapük adopta vocabulos ex linguis principale de Europa, in orthographia speciale, et grammatica artificiale, de mirabile regularitate. Sex hora suffice pro lege et scribe Volapük cum auxilio de suo vocabulario.

Academia, sub direttore prof. Kerkhoffs in Paris, anno 1887-1892, simplifica grammatica. Sub direttore ing. Rosenberger in Petroburgo 1893-1898, et rev. Holmes in New York 1899-1908, applica principio de internationalitate maximo ad vocabulario. Qui cognosce uno lingua de Europa, intellige lingua de Academia ad primo visu aut quasi.

Prof. Peano, post 1903, publica libros de mathematica in « latino sine flexione », et Academia in 23 XII 1908, nomina illo socio et direttore. In 1910 Academia pone in suo statuto: « Qui mitte ad thesaurario Fr. 10 per anno, es socio de Academia ». Academia es applicatione continuo de vario forma de lingua internationale. Singulo scriptore adopta quod vide bono in alios, et formas de interlingua converge.

Majoritate aut unanimitate in 1912 consilia pro interlingua: **vocabulos internationale, orthographia latino.**

Exemplo: *ad, in, et, non; rosa, anno, dente, cornu, die, novo, me, te, se, illo, uno; nos, vos, duo, qui, que; ama, habe, scribe, audi, es, fi, imita, vol, pote.*

Pro commoditate de interlinguistas, plure socio: Peano in 1909 et 1915, PINTH 1912 et 1917, BASSO 1914, Canesi 1921, publica in ordine alphabetico, voces internationale, sub forma de thema latino.

In generale, vocabulo latino es internationale, si habet derivatos in anglo: latino *sol, die, anno* vive in anglo: *solar solstice, diary meridian, annals annual*, etc. Vide vocabulario etymologico anglo, aut vocabulario Canesi.

Grammatica, tormento de pueritia, es quasi semper inutile. Suffixo *-s* pro plurale, es internationale: latino *matre-s*, franco *mère-s*, hispano et portu-guez *madre-s*, anglo *mother-s*, græco *mètere-s*, sanscrito *mâtara-s*, volapük *mot-s*.

Plure periodico scientifico publica articulos in Interlingua.

Socio, que non sequit regulas de Academia, es **precato** de expone regulas de suo lingua.

STATUTO (extracto). — Academia es societate inter fautores de lingua auxiliare internationale. Qui mitte ad thesaurario 10 franco per anno, es socio de Academia. Socio novo habet jure de voto tres mense post inscriptione. Præsidente pone in votatione omne propositione que sex socio subscribe.

REGULAMENTO. — Socio que mitte uno suo publicatione ad omne alio socio non debet quota. Qui mitte quota ad thesaurario, pote publica gratis uno pagina in periodico de Academia, et plure ad pretio de 10 fr. auro per pagina.

Omne socio pote adopta forma de lingua que illo præfer.
Directore supprime scriptos contra leges et personas.

DONO AD SOCIOS

G. PEANO, **Vocabulario Commune ad linguas de Europa**, 1909.

G. PEANO, **Interlingua - Historia - Regulas pro Interlingua - De Vocabulario - Orthographia - Lingua sine grammatica**, 1925.

J. B. PINTH, **Die internationale Hilfssprache Interlingua**, Luxembourg, 1911.

J. B. PINTH, **Deutsch-Interlingua Wörterbuch**, Linz, 1912.

J. B. PINTH, **Grammatica de Interlingua**, Luxemburg, 1915.

J. B. PINTH, **Deutsch - neulateinisches Wörterbuch**, Luxemburg, 1917. Vide ApI 1926 pag. 2.

U. BASSO, **Manuale practico de Interlingua**, 1913.

U. BASSO, **Vocabulario Internationale Interlingua-English-Français-Italiano**, Ventimiglia, 1914.

A. HARTL, **Interlingua. Manuale ad usu de omne natione**, Linz, 1922. Dono de Auctore.

Principios elementario de Radiotelegraphia et de Radiotelephonia, Washington, 1925. Versio ex anglo per A. FANTI.

GALLEANO, **Pro reforma de Calendario**.

Graphicus, Formato de libros.

MASTROPAOLO, **Interlingua pro relationes internationale**.

MIGLIAVACCA, **Origine de Urbe Torino**.

PANEBIANCO, **Adoptione de lingua internationale es signo que evanesce contentione de classe et bello**.

SANTUCCI, **Applicazione dell'Interlingua all'Unione Postale Universale**, 1922.

VANGHETTI, **Quæstione de lingua auxiliare internationale in Italia**.

Plure publicatione de mathematica, et de alio scientia, per socios Banachiewicz, Borio, Canesi, Cassina, Cipolla, Panebianco, Peano, Quarra, Stamm, Viglezio.

Volapük, Dictionario Volapük-Italiano, per prof. C. Mattei; HOEPLI, editore, Milano, 1890.

— Dictionario Italiano-Volapük, idem.

Volapük, a. 1879, es primo systema de Interlingua, que obtine successu, et habet maximo interesse historico.

Heroldo de Esperanto, per socio Jung; N. de 10. I. 1925.

Esperanto, a. 1887, sequit Volapük in propaganda.

DYER, **The problem of an international auxiliary language**. Vide ApI 1923 N. 4.

PINTH, **Jesu Kristo**, Linguo Internaciona di la Delegitaro, 1908.

BEAUFONT, **Kompleta Grammatiko di la linguo internaciona Ido**, 1925; ed. socio Meier. Vide ApI 1926.

Lingua Ido es « Esperanto reformato » in 1908.

MICHAUX, **Romanal**, langue auxiliare Anglo-Latine, 1922.

Lingua de nostro socio es composito ex vocabulos Anglio derivato ab Latino.

Seque **Dono ad Socios pro 1926.**

WILF. MOESER, Interlingua in forma de Semilatin, Linz, 1921.

Nostro socio adopta vocabulario latino, cum breve grammatica.

MOLENAAR, Wörterbuch der Universalsprache, Leipzig, 1909.

Roia, per socio Foster. Plure numero.

Explica lingua « a priori » Ro, super classificatione de ideas.

W. BEATY, The new international language, Washington, 1922.

DREZEN, Pro lingua universale. In lingua Russo. Vide ApI 1926 pag. 21.

WEISBART, Illustrat Abecedarie. Vide ApI 1925 pag. 90.

Socio, que mitte quota ad thesaurario, pote obtine in dono uno ex publicationes præcedente. Socio, que inscribe socios novo, habe iure ad tot donos.

PUBLICATIONES

Academia pro Interlingua, Discussiones, anno 1909-1910,

N. 1-7 - anno 1911, N. 1-5 - anno 1912, N. 1-7 - anno 1913, N. 1-3.

Circulares anno 1921, N. 1-3 - anno 1922, N. 1-4 - anno 1923,

N. 1-4 - anno 1924, N. 1-6. - anno 1925, N. 1-6.

Collectione completo Fr. 80 in auro.

G. PEANO, Vocabulario commune ad Latino - Italiano - Français - English - Deutsch, Editione II, anno 1915, Fr. 8 in auro.

Isto libro contine circa 14000 vocabulo internationale, scripto in orthographia de 5 lingua citato, derivatione et synonymos.

G. CANESI, Vocabulario Interlingua Italiano-Inglese e Italiano-Interlingua, con prefazione e questioni di grammatica, di G. Peano, Ed. Paravia, Torino, 1921, L. 10.

Auctore dona isto libro ad omne socio que inscribe tres socio novo.

Isto libro contine vocabulos internationale, sub triplice forma: latino, italiano, anglo; et vocabulos italiano, cum versione in Interlingua. Illo contine etiam expositione amplo super historia de Interlingua, et quæstiones de grammatica.

G. PEANO, Formulario mathematico, a. 1908, pag. 500. - L. 50.

Chartas-postale pro propaganda, edito ab socios:

1. Programma de Academia. — 2. Lingua auxiliare internationale INTERLINGUA.
- 3. Annuntiatione de victoria: 4 novembre 1918. — 4. Codice-cifrarior-internationale.
- 5. Palatio Madama in Torino (cum illustratione et descriptione). — 6. Palatio Carignano (idem). — 7. Basilica de Superga (idem). — 8. Castellò de Valentino (idem). — 9. E utile, necessaria, possibile una lingua auxiliaria internazionale? — 10. Identico pro. positione in 5 lingua internationale. — 11. Monumentale Viaductu de Paderno d'Adda.
- 12. RR. Grotte di Postumia jam Adelsberg. — 13. Sacro Campana de Rovereto. — 14. Monumento a Frant Palacki in Praha. — 15. Volata de intrepido comandante De Pinedo. — 16. Cantico de Sole de S. Francisco de Assisi. — 17. SASCLETEM.

Es proximo publicatione de novo Chartas postale.

10 exemplare vario L. 1 —; 100 L. 8 —; 1000 L. 70.

Dirige ordinationes ad thesaurario Ing. CANESI, via Costigliole, 1, Torino.